

هتعمل إيه بالعديّة؟

العديّة هي هدية بتتقدم كجزء بمن لاحتفال بالعديين؛ الفطر والأضحى. في الغالب بتكون الهدية دي في شكل فلوس بيديها الأهل والقرايب لأطفال العيلة. بس العديّة مش مرتبطة بسن علشان في ناس كتير مش أطفال ولسه بياخدوا العديّة من أهلهم زي ما كانوا بيعملوا وهم صغيرين. حاول السنة دي تقدر تستفيد من الفلوس دي بشوية طرق بسيطة.

شيل الفلوس لحاجة أكبر



ممكن تشيل كل فلوس العديّة لحد ما تجمع مبلغ كبير وتشتري حاجة كان نفسك فيها. افكر ان بعد شهرين هيكون في عيد الأضحى بعديّة جديدة. ممكن تستني علشان تشتري التلفون اللي كان نفسك فيه او كتاب كنت عايز تشتريه او أي حاجة تفيدك على المدى الطويل.

سافر اماكن جديدة



السفر مش معناه إنك تسافر بلد غير مصر. اكيد فيه أماكن كتير في مصر انت مشوقتهاش. استفيد من الفلوس اللي جاتلك وكرمان الاجازة في إنك تعمل كده. السفر داخل مصر ليه مميزات كتير أهمها إنك ممكن تشوف قرايبك وصحابك من أي مدينة تانية وإنك بتاخذ مميزات السفر بتكلفة معقولة.

الاعمال الخيرية



لو معندكش أي خطط لصرف العديّة وعايز تجرب الراحة النفسية لما تساعد حد وتاخذ ثواب. فممكن تتبرع بالعديّة كلها او جزء منها ل مؤسسة خيرية او أي حد محتاج.

فرح اخوك او اختك الأصغر



لو عندك اخوات صغيرين حتى لو أصغر منك بسنة واحدة. ممكن تديهم عديّة مش مهم المبلغ بس انت لما تعمل كده هتفرحهم وتعلمهم قيمة ومعني العديّة.

استثمر



مش لازم بيبقي معاك مبالغ كبيرة علشان تفكر في الاستثمار. افكر ان أي حاجة كبيرة بدأت صغيرة في الاول. ممكن تستثمر في الذهب او تشتري أسهم في البورصة ودي حاجات كلها ممكن تعملها بأي مبلغ وملهاش حد ادني. اعرف كل حاجة عن [الاستثمار](#) قبل ما تاخذ قرارك.